

# I Ghjuvannali

U silenziu si hè spartu, chì ùn funi attarzati  
nè l'ossa nè u sangu. Ùn cunnobbini qui  
pietà nè cumpassioni, i Cristiani mandati  
à tumbà i cristiani : ci vulia à pulì

Issa tarra d'arasia, di felu è di vilenu,  
acciaccà si li tutti, maiori è criaturi!  
Solu u Criatori cù lu so Santu Sennu  
sciddarà-trà i morti-quiddi chì funi puri!

DIES IRAE DIES ILLA  
SOLVET SAECLUM IN FAVILLA  
DIES IRAE DIES ILLA  
SOLVET SAECLUM IN FAVILLA

“Ùn volsimi accittà di Roma la duttrina,  
cusì la noscia fedi duvintò suffrimentu!  
Si ni morsi issa luci, ditta San'Ghjuvannina  
dopu l'ultimu abbracciù di u Cunsulamentu!

DIES IRAE DIES ILLA  
SOLVET SAECLUM IN FAVILLA

Santa fù la Cruciata! Inghjustu lu turmentu!  
Solu par Cristu in cruci fù più cruda a sintenza!  
Ci fù datu prighendu! l'ultimu Sacramentu  
di lu focu è lu farru! Dulenti pintenza!”

DIES IRAE DIES ILLA  
SOLVET SAECLUM IN FAVILLA

Po'di li Ghjuvannali a stirpa, a sumenti  
prestu fù missa in fossa... È issi castichi grevi  
pesani in a memoria, è ghjacini in a menti  
da ch'idda campi in paci, di Carbini a pievi!